

702

DEO OPTIMO MAX.

UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS,
manè discutienda in Scholis Medicorum, die Jovis vigesima-septimæ
mensis Februarii, anno Domini M. DCC. LXXII.

M. JACOBO BARBEU DUBOURG,
Regiæ Scientiarum Academiæ Stokolmienfis & Societatis Regiæ
Monspelienfis Socio, Doctore Medico, Præsido.

An Variolarum morbus, absque eruptione ?

I.



ATERIÆ variolarum fermentativa habetur indoles. Subtilissimo miasmate sensum omnem fugiente sanos humores ita inficit, ut contagium ab his iterum facile propagetur. Cum autem, monente Galeno, nulla causa sine corporis aptitudine agere queat, hinc fermentum idem varia subiecta non uno modo afficit. Insunt quippe humoribus corpori nostro inquilinis particulae non mole tantum ac forma disparæ, sed & dotibus genioque. Aliæ moris ambigui, quicquid humanum agere & pati fatis dociles, at nihilum flexiles in vitium quodcumque, si qua sese offerat occasio, castris temerè mutatis, hostilem animum induent: has facile pervertunt variolosa fermenta & in similem sui indolem fingunt. Aliæ propoliti tenaces. nedum ipsæ à recto deflectant, quin potius miasmata mansuefacere (ah, si fata sinant!) moremque humanum inspirant. Prout ergo hæc illave species abundaverit, minus erit vel majus à contagione periculum. Nec aliudè repetenda causa est cur nonnulli ægris ab hoc morbo decumbentibus perpetuò assidentes, nec ferè quidpiam nisi contagium inhalantes, impuè tamen in atmosphæra ista variolosa versentur: quibus nimirum defunt moleculæ ab hujusmodi veneno infici aptæ natæ. Jam verò variolæ propriè dicuntur uæ quædam papulæ varis persimiles, in cutè sensim increfcendo, prominentes sub epidermide & ad suppurationem vergentes, quarum tamen materia non nisi post concitatas in corpore turbas insignes ad cutim deponitur. Undè est quod morbi à variolis dicti stadia plura numerentur, vulgò quatuor maximè distincta: primum effervescentiæ, secundum eruptionis, tertium suppurationis, quatum exsiccationis vocant; 1°. Quidem sive recens suscepta, sive post longiores in corpore moras novissimè efflerata materiæ variolarum functiones plurimas lædit, nervosque generi inprimis infensa, tumultus horrendos ciet; contrà verò in iras assurgit cor primum vitæ organum, recollectique viribus instigatus ab eo sanguis inhaerentem sibi noxam circumagendo, versùs exteriorem corporis habitum trudit, propriæ puritiei vindex acerrimus. 2°. Pustula à centro corporis arceque vitali lues in cutè hæret, passimque papulas inspergit continuâ materiæ congenitiæ accessione fatigatæ; dum scilicet nec cuticulam pervadere datur, nec eas vasorum angustias superare, ubi post innumeras divisuras exilis canaliculus mutato nomine vestigia relegens, qui modò directus arteria, reflexus jam vena audit. 3°. Eò loci coercita variolosa colluvies non adeo miscetur quin omnia circumposita assiduò læscens carceribus insultet, mininaque tandem erodendo vascula destruat & in pus vertat. 4°. Stagnante pure, tenuiora fluxilioraque spontè secedunt, avolant; crassiora verò sibi relicta magis ac magis arefiunt, ut exsicca tandem cum ipsa epidermide desquamata prorsus decendant, tuncque demum redintegratur naturalis solidorum actio, fluidorum lenis circuitus. Non defunt tamen auctores qui præcipua duo discrimina respicientes, cætera huc revocent, morbumque quasi geminum statuunt. Quid enim? Pugnatur, subacta abscedit illuvies; pugna recrudescit, debellata lues exterminatur. Quocirca operæ pretium facturi videmur si unico certamine posse quondam rem omnem absolvi monstraverimus, febrique unius ope, pro metastasi per-

foetam etiam obtineri, quā posita, & pustulae, & cæterorum inde pendentium symptomatum serios præcaveatur.

I I.

QUOD ad seminii variolosi *essentiam* attinet, inferutabile quid, *si bene* inest, de quo curiosius differant, quibus vacat. Medenti, Philosopho Clinico satis erit, si ex dotibus conspicuis obvisque effectibus, seorsim accuratè perpenſis, mox sedulo collatis invicem ac diversimodè combinatis, dædaloſus anguis subdoli reptatus certò vestigare discat, latenter insidiantem subodorari, ferocientem retundere, aut si minus æquæ vires, non tamen adeò iniquis conditionibus pacifici. Cutaneæ eruptionis ope transferatur, magis quàm conficiatur, desultor moribus; nec ea est variolosa lues quæ loco pulsa, ferociam confeſtim exuat; imò pomæris undique circumfusa commeatus omnes intercludere satagit, mox etiam postliminio regressa, ipsisque iterùm imminens penetralibus, stragem intemat immanem. Natura verò per totum morbi decursum, quid nisi crisin meditat? Nonne tota videtur in id opus incumbere ut avernale inquinamentum quocumque pretio, quâcumque viâ solum vertere cogat? Id ut præſtet, quos non inelamat Divos? Quod non pulsat ostium? En aspice jam ab initio per tenue crinium epidermidis, necnon per ipsius membranæ pulmonaris cæca spiracula avolanem subtilissimorum effluviurum quasi nubeculam, restantibus tum ingrato indusiorum odore, tum etiam gravi ægotantium halitu, tum maximè contagio inde utplurimùm concepto. Procedente morbo, cernis per salivales glandulas, exiguosque linguæ, gingivarum, palatii, uvulæ, faucium ductus emissarios non spernendâ veneficii portionem, summo quandoque cum levaminis excretam? Mox etiam crassioribus ejusdem partibus ablegandis pateſcent renum colatoria. Tandemque exiunte morbo, humores in intestinorum cava ab adjacentibus glandulis undequaque depulentes, per alvum eliminari, solutique morbi reliquias omninò averri miraberis; & quò magis subitaneam partium tumementium depressionem axiis ac præſenti periculo famosam reformidaveris, eò lætior gradariam earundem decumescentiam, levaminis solatiique plenam agnosces, molecularum insensibilium vaporum rationi tribuendam. His tor moliminiſ, licet sæpius irritis, officii admonemur *Inter* Hippocratis affectæ, cujus ut omnis omninò Medica theoria fuit exquisita naturæ descriptio, ita quoque Medica praxis uno cardine vertebarat, assiduâ observatione moliminum naturæ morbos impugnantis. Artis igitur erit excretionem promovere hæc illamve, prout videbitur, benignâ naturâ faciem præferente. Quo quidem naturæ nomine nihil aliud intellectum volumus nisi leges humano corpori ab altâ Dei sapientiâ inditas, quibus stat solidorum fluidorumque actio reciproca, & indeficiente utrorumque antagonismo, harmonia inenarrabilis.

I I I.

IN bonum corporis amicè conjurans, altera alterius vices gerit excretio. Nec ullum habetur emunctorium, definita orificii sui diametro ita mancipatum humori peculiari, quin sæpè per constrictum plus iusto, humorem proprium renuat, aut contrà relaxatum plus solito, alienos cogatur admittere. Et vicissim nullus habetur humor excrementitius, determinatâ particularum suarum mole aut figurâ, ita addictis peculiari emunctorio, quin sæpè aut iusto crassior factus, à proprio excludatur, aut contrà nimis attenuatus, per non sua diffinat excrenicula. Hinc Hippocratis Aphorismus: *cutis rarietas, alvi densitas*. Hinc Sanctorii axioma: *qui plus meiunt quam bibunt, parum perspirant*. Hinc Boerhaaviuſ effatum: *si ager se noctu sudare conqueratur, Medicus verò in matulam manè incipiens, uberiorem cernat urinam, audax asseret; at ut proximè elapsi nocte non sudabit*. Artis Coryphæorum dogmatibus quotidiana suffragatur experientia. Sic catameniorum vices nonnunquam supplevit sudor sanguineus, aut urina cruenta. Sic à refusa in sanguinem bile, nunc urinam flavo colore lineæ insipientem, nunc amaram salivam, ipsiusve sudorem stupuerunt. Sic ichthurià laborantes, aliquam urinæ partem sidiurii specie exsulant, nec nunquam iisdem halitus ipse urinam olet. Sic hypochondriaci, perpetuis ferè spurcatoribus, si spiritum subtilitèr, mingunt aquosa; redeunte sputo, minuantur urinæ. Mira profectò, quam habet Clar. Gorterius, huiusmodi derivationum observatio, humoribus ab ulcere in alvum, hinc in sudores, dein in lachrymas, mox in salivationem, denudè in alvum, ac denique in cutem incumbentibus. Sed illud præcipuè intueri juvat, quod majoribus varis cutem deturpat, virus venereum. Quid in illud ars nostra possit, civis è vulgo notissimum. Sæpius quidem ab hydrargyro, per salivæ colatoria exprimitur; idem tamen sæpè à guayaci decocto, per miliares cutis glandulas elici constat; nec infrequenter ope catharticorum, ipsam mercurii efficacitatem ad alvum determinat. Nobile sanè & appositum exemplum, quodque ad minores vaiolas quàm proximè referatur, quàm aptissimè congruat! Que cùm ita sint, propositas medentibus generales indicationes duas videre mihi videor: alteram præcavendâ à varioloso fermento infectionis humorum; alteram insectorum, quâ promptior exitus, efficiendorum. Priorem intendere videntur plurimi (non è Medicorum grege) qui contagii hauriendi vel minimum periculum, imò ipsam ejusdem umbram follicitè deviant, molestissimâ quidem sedulitate nec unquam securâ, attamen ma-

tribus familiis, ac præsertim splendidioribus, longè probatissimâ. Huic eidem indicationi operam navant qui corporis nostri humores adversus labem contagiosam ita obfirmare præsumunt, ut ne minimam quidem moleculam in partes suas trahere queat. Grande profectò opus, periculosaque plenum alea! Illud ipsum tamen suâ quisque methodo, præstitisse sibi gratulantur Lobbius & Berklejus; dum scilicet quotquot humorum particulae novas res molirentur, ope attenuantium idoneorum emendatæ, foras evocabantur: quâ arte ab eximiiis hisce viris præmuniti adversus variolosam epidemiam plurimi utriusque sexus, alii prophylactica medela minus patientes benigniorem tamen morbum passi sunt, alii obsequiosiores omnino nullum. Quod ad posteriorem indicationem, plures huic subesse videntur speciales indicationes, nec unâ viâ putem posse eundem scopum attingi; sive saliva es ductus, meatus urinarios aut alia quævis colatoria laxando, versus alterutrum derives, imiterisque per attem quod natura, contemplante Sydenhamo, nullo verò docente, assecuta est; sive ipsum veneficium attenuando, ita corrigas, ut nihil jam impervium agnoscat, sed quaquaversum facili dilabatur; sic quidem punctum omne tuleris, non impetratis inducis, sed imperata pace, ægerque non modo exanthemata devitabit, sed etiam omni morbi recidivi metu in præfens & in portum liberatus, ignes cineri dolofo suppositos impudè jam percalcabit.

I V.

P RINCIPIIS inconcussis evidenter annexæ conclusiones, vix tamen meritam fidem inveniunt, nisi accedat unicuique medicæ veritatis criterium experientia, suspectamque rationi sagacitatem confirmet, ac fanciat castæ œpiæ petiti observatoris suffragium omni exceptione majus. In febre epidemica, anno 1667 apud Anglos grassante & in salivationem ultro desinente, Sydenhamus, celebrissimus ille Naturæ Antistes, dolorem quemdam notavit circa partes cordis scrobiculo subiectas, quæ namque leviter adnotam non sustinerent; quod quidem symptoma nunquam sibi visum meminerat, nisi in variolis, tunc temporis etiam debacchantibus. Intensius igitur animum adventum, exteræque quàm accuratissimè pensanti, non affinis tantum, sed idem omnino morbus videbatur, deimptis solummodo symptomatis, quæ eruptionis consecutaria vel effectus essent necessarii; imò etiam coincidentibus phænomenis omnibus quæ curationem respicerent, febris variolosæ nomine hanc insignire non dubitavit Vir præclarus, cuius non erat nova rerum nomina præter necessitatem affectare. Quin & anno subsequenti, idem iste morbus, novam personam induens (Sydenhamo fucum facere velle dices) sine manifesto ullo febris indicio, sub diarrhææ larvâ sese efferebat, scitè tamen tractatus facili domari se pariebat; at ubi perversâ medicatione irritaretur, ægros complures de medio tolleret. Nec minus intereâ persistenter tum variolis, tum febre illâ supra memoratâ, simul habebantur, non tres ejusdem generis species, sed fas sit cum Botanicis loqui! tres in eadem morbi specie *varietates*. Jam verò *accidentalis* huiculae discriminis rationem accipe. Variolosas particulas figurâ ferè simili, at non omnes æquali mole donari extrâ dubium est; hinc alix per ductus perspiratorios facili aufugiunt, alix longè patentiora requirunt exercicula. Contagium à tenuissimis est circumfuso acri facili permiscendis, sudor itidem à tenuibus, à crassiusculis salivatio, à crassissimis denique tum uberius illud urinx profluvium, tum etiam diarrhæa; exanthemata medias quodammodo arguunt, quæ per varios quidem anfractus ad cutis intimam facili appellentes, non tamen eâ gaudeant tenuitate quâ glandularum cutanearum ostiola porose epidermidis superare valent; unde primò vascula infarciunt, mox etiam iisdem erosio, utriusque regimenti interapedine, velut in angiporru detinentur: donec tandem fæscientes in scabiem pustulâ, ruptis cuticulâ aggeribus, decidunt. Porro in exemplis superius allegatis, particulae istæ vel satis tunc fuerint, ut inviolatæ epidermidis poros præterlaberentur; vel paulò crassiores quàm ut cutis emissaria vasa subirent ullo modo; vel deniquè insuperabilis in glandulis miliaribus, quâcumque de causâ constructis, obex adfuit, dum contrâ hiantibus oculis, nunc salivales ductus, nunc intestinales glandulæ, retropositas à cute humores ad sese invitarent. Quod autem nemo antè Sydenhami tempora, exindeque etiam præpauca animadvertent, non idèò temerè rejiciendum; quin potius oculis minis acutum cernentibus plus semel occurrissè puta. Non enim cuius datum est morbum sic colubium primo intuitu cognoscere; nec nisi perspicacioribus firmam præstitit diagnosi antecedentium, concomitantium & consequentium sollicita disquisitio. Quamvis rarè cogitatur de hac indicatione, inquit magnus Boerhavius, casus tamen ignaro morbi Medico sæpiè dedit successus probantes talem artem. Quid si manus auxiliatrices dextro tempore præbissent Medicorum Filii? Annon præstitisset in millibus alma Natura, quod in centenis sola ac per se præstitit?

V.

Q UÆ educere oportet, quò maximè vergunt, eò ducenda, per loca convenientia, edixit Hippocrates. Omni ope atque opèâ promovendam variolarum eruptionem, uno ore clamant docti pariter & indocti, iisdemque non aut parvis erumpentibus, inausita omnia portendant. Et nos quidem, sussultam longâ experientiâ observationibusque innumeris legem recolentes, ultro amplecti-

mur, ita tamen ut illius faciendæ altius seruemur causas, quarum ex ipso sinu exurgit distinctio prudentissima. Enimverò quid magis secundum naturam, quam lactis ad mammas puerperarum affluxus? Eodem temerè repulso, quid non mali inde scaturit? Verumtamen lac à mammis, absque noxâ ullâ arceri nunc tandem quotidianum est. Ubi nimirum diatrâ tenuiori quadamtenus præcluditur chylofeas officina, necnon remediis idoneis procuratur lochiorum fluxus uberior, his artibus omne periculum certissimè avertuntur. Quin etiam, teste Clarissimo Riverio, *lochiorum vicem, silem ex aliquâ parte, supplere valet alia quadam evacuatio, ut hæmorrhagia narium, hæmorrhoides, urinae profusio cum fuliginoso sedimento, aut sudor copiosus*. Idem propè de variolis dictum puta. Si quidem cohibeantur variolæ ad cutem prorumpentes, nec alia humoribus veneno imbutis convenientior porta recludatur, serpit contagio, universamque humorum massam quantocius inquinat, adeoque summa rerum quam maximè periclitatur. Si verò per quodlibet excerniculum abigi patiens, variolarum materies ita penitus exhauriatur, ut ulteriori contaminationi desit ansa omnis, absque eruptione salva res erit. Cautè tamen cum versipelle morbo mercandum censemus, nec nisi lento gradu, circumspicendoque in omnes insidias, procedendum. Audendo nonnunquam, cunctando utplurimum, ritè provehitur res medica: temporì studendum, occasione serviendum. Læta spes segetis in prospectu ecce adest: exulto per Sydenhami sudores humo: semina mandavit Boerhaavius; latentes adhuc in culmo turgidulo spicas fovemus anxie; felix heu niniùm, qui maturam in horrea messem coget! Falcem jam parat (fortè paulò confidentior) Lobbius, specicamque variolosa labis correctionem ab *Æthiope minerali* aliisque pulveribus quibusdam, pro re natâ adjunctis, spondet. Re quidem ipsâ, contagio huic quod tam parvâ mole susceptum, reliqua parit phænomena, oppositum *specificum* (ut vocant) in stibio præprimi: & hydrargyro, ut quæramus, invitat aliquis horum aliquandò successus. Nec minùs prospero evenit, memoriâ nostrâ, adhibitam generalem illam per laxantia & antiphlogistica therapeutin, idonei testes sunt.

Ergò nonnunquam absque eruptione, Variolarum morbus.

DOMINI DOCTORES DISPUTATURI.

*M. Thomas LEVACHER
DE LA FEUTRIE, Ana-
tomes & Artis obstetriciæ in
gratiam Matronarum Pro-
fessor designatus.*

M. Bertrandus DUPUY.

*M. Joannes-Carolus DE-
SESSARTZ.*

*M. Petrus-Maria VIEL-
LARD, M. Petri POIS-
SONNIER, Lectoris &
Professoris Regii Vicarius
& Successor à Rege desi-
gnatus.*

M. Joannes COLOMBIER.

*M. Ludovicus - Henricus
BOURDELIN,*

*M. Michael-Josephus MA-
JAULT, Antiquus Regis
Exercituum in Germania
Medicus.*

M. Carolus PAYEN.

*M. Gaspardus COCHON
DU PUY, Regii ordinis
Eques, Regis Consiliarius
& in Arce maritimâ Ru-
pifortensi Anatomæ &
Chirurgiæ Professor Re-
gius.*

Proponebat Parisiis CAROLUS-LUDOVICUS VARNIER, Parisinus, Doctor
Medicus Monspelienfis, Saluberrimæ Facultatis Medicinæ Parisiensis
Baccalaureus, A. R. S. H. 1772. A SEXTA AD MERIDIEM.

Typis QUILLAV, Saluberrimæ Facultatis Typographi, 1772,